



皇朝通志

皇朝通志凡例十二則

一鄭樵通志倣歷代史例有本紀有列傳又有年譜其自序以唐書五代史皆本朝大臣所修微臣所不敢議故紀傳與年譜並訖隋而止續通志于唐五代及宋遼金元各增輯紀傳至明代事蹟具見明史卽從鄭氏不載唐五代紀傳之例不加添纂若我

國家

列聖相承文德武功臚具

實錄者藏諸金匱石室至於臣工事實自有

國史列傳及宗室王公功績表傳諸書爲之敘述茲  
編亦仍鄭氏之例不復載入

一通志二十略其氏族六書七音諡法校讐圖譜  
金石昆蟲草木諸略皆鄭氏自出新意非前史所  
有不專繫于一時一代其餘各門與杜氏馬氏二  
書互有詳略如通志禮樂職官選舉刑法之目通  
典通考皆有之通志之食貨通典有之而通考析  
爲田賦錢幣戶口征權市糴國用諸門者也通志

之都邑地理卽通典之州郡邊防通考之輿地四  
裔也通志之天文卽通考之象緯藝文卽通考之  
經籍災祥卽通考之物異也通志之器服則又與  
通典之嘉禮通考之王禮互見者也大抵通典主  
于簡要通考主于周詳通志則取材舊史自加斷  
制故其自序謂雖本前人之典亦非諸史之文今  
倣鄭氏之體行文敘事與通典通考兩書實互相  
發明

一通志氏族略分三十二類頗稱賅洽其遼金元

氏族之見于前史者已纂入續通志若

本朝八旗氏族通譜于各族得姓所始表之以地系之以名釐然具備今並依類臚次

一通志六書略于源流正變臚列綦詳遼金元各有國書已略述於續通志我

朝國書十二字頭整齊該括變化不窮若夫

大文彌耀清篆三十二體尤足握形聲之總究文字之源至于

聖化遠布重譯來同凡諸部諸國之各有文字者靡不

遠自象胥藏于祕閣

皇上御定西域同文志于蒙古西番托忒回部之字悉  
皆以次綴書音義畢貫實爲前史所未有謹詳載  
以表

大同之化

一通志七音略以三十六字母爲主備列內轉外  
轉諸圖我

朝國書合聲切音之法有三合四合之妙皆出于人  
聲之自然而無所勉強

聖祖仁皇帝欽定音韻闡微一書實挾翻切之祕奧

皇上御定同文韻統以梵音合

國書切韻復以

國書切韻叶華音字母于是字無遁音書皆備韻近  
復將遼金元明諸史之傳訛者考正改譯

新加詳定至于番部輿圖釋家梵典一經繙譯並得準  
聲洵足正千秋之謬誤而表天地之元音今並詳  
列于篇

一通志天文略祇載晴丹元子步天歌而未及推

算之法我

聖祖仁皇帝奉若天道洞悉精微改造六儀輯靈臺儀象

志用昭簡當所司奉以測驗

御製儀象考成其理則揆天察紀其法則明時正度卽數  
可以窮理卽理可以定法合中西爲一揆

皇上復加增輯

御製儀象考成後編並按六儀新法參渾儀舊式製爲  
璣衡撫辰儀兼考天官家諸星紀之缺者補之素  
者正之勒爲儀象考成于是步天定時之道益爲

精密敬謹登載以補前書之漏略

一通志地理略先載四瀆而以諸水入于江河淮  
濟者分條具列自序謂地理以水爲主郡縣州道  
皆由水以別惟是宇內之水不入四瀆者尙多如  
大河以北則有

### 盛京

京畿諸水大江以南則有浙江閩江粵江皆自入于

海他若雲南西藏諸水多入于南海

如雲南之瀾滄江潞江西

藏之雅魯藏

漠北諸水多入于北海

如額爾齊斯河色楞格河

布江岡噶江

至于河有重源所謂合流入蒲昌海潛行出于積  
石者今並列在輿圖紀以  
宸翰鉅製鴻篇親爲考定徵信萬古皆前志所未經收  
載今悉依鄭氏之例臚列于前其細流支派之不  
關于地理者無庸濫入

一通志都邑略凡帝王侯國之都分代具列我  
朝肇基東土自

肇祖原皇帝及

興祖直皇帝

景祖翼皇帝

顯祖宣皇帝皆都

興京

太祖高皇帝

太宗文皇帝都于

盛京

世祖章皇帝定鼎

京師今宜將城郭之制敬謹臚載而宮室苑囿卽附

見焉至鄭氏附紀四夷之都自以爲能遠探遐搜

然考其所載如琉球居海島之中大秦居大海之西亦祇約略言之未能確指其建國之地且以外國所都與京邑並列未免部分失當今擬從刪一通志諡略凡二百有十品分爲三等此乃鄭氏意爲增損非時王現行之制若

本朝錫諡之典悉出

上裁自諸王以及內外大臣之例得請諡者高下予奪

各如其分飾終之禮至爲隆重此外有以文臣品

學而追諡者

如湯斌陸隴其韓莢王士正

以監司殉難而得諡

者如葉映榴陳皆非常典我  
啟泰陳丹赤

世祖章皇帝定鼎之初卽下所司定勝國甲申諸臣之諡  
皇上表彰忠烈復

特頒諭旨凡明季死事諸臣各加褒獎

賜以令諡尤爲從古未有之曠典今並據實敘載

一通志校讐圖譜二略與藝文略相爲表裏以編  
書必先明類例故有校讐略以圖爲經而書爲緯  
有書不可無圖故有圖譜略我

朝文治光昭圖書明備

皇上右文典學

特詔袁輯永樂大典所載並蒐訪天下遺籍勒成四庫  
全書每書各繫以提要編以目錄于是譌者以正  
闕者以全校讐之法至爲精審而圖譜之流傳者  
益復粲然大備敬謹詳列以彰觀文化成之盛  
一通志金石略分載泉幣鼎彝之款識而于諸家  
碑刻復按時代列之亦云博矣我

列聖天縱多能

寶墨流傳照耀海內

皇朝通志  
皇上幾餘游藝

奎翰日新故

御帖刊于內府

穹碑勒在遐陬煌乎莫與並矣至古來金石之留遺者  
若三希堂淳化軒諸石刻裒集最爲美富敬謹彙  
列用示來茲

一通志昆蟲草木略分爲八類已稱該備顧品彙  
之繁搜羅難盡有內地所無而產于外域者有前  
代未顯而稱于後世者我

聖祖仁皇帝御製幾暇格物編所載

如普盤櫻額堪達罕秦達罕之類

殊

名別種攷證精詳

皇上順時亭育具有化工凡塞外之產爲邊內所罕見

者

如北天竺烏沙爾齊火雞箬漠鱗之類

睿題留詠其識嘉名至于新疆式廓以來異果珍禽列

于圖志

如奇石蜜食驚鷺爾之類

皆爾雅埤雅諸書所未及登

載謹廣爲蒐輯非惟供多識之資實以徵茂育之

化